


Andin Bikker, cu peticion pa duna Gobierno multa

Pa no a cumpli cu sentencia di Huez pa haya jaarverslagan di ELMAR y WEB



ORANJESTAD(AAN): Dialuna mainta, abogado Andin Bikker a entrega un peticion na corte, pa huez impone un multa riba Gobierno di Aruba, pa cada dia cu e no cumpli cu sentencia di huez.

Ta asina cu algun luna pasa mr Bikker a cuminsa un caso contra Gobierno, pa e y pueblo por haya e asina yama "Jaarrekening" di WEB y ELMAR N.V.

Esaki mirando e aumento continuo di tarifa di awa y corriente, cu ta pone pueblo sufri.

Bikker a gana e caso y Gobierno a wordo ordena pa prepara y duna e abogado e documentonan dentro di dos luna despues di e sentencia, cu a cay riba 7 di Mei.

Segun e asina yama "Landsverordening Publicatie Plicht", tur aña e jaarrekening di WEB y ELMAR N.V mester wordo

publica, pa pueblo por wak, pasobra mester tin transparencia pa loke ta e gastonan di e companianan aki.

Sinembargo esaki no ta sosode.

Huez a ordena Gobierno cumpli cu peticion di abogado Bikker, pero mas di dos luna a pasa y Bikker no a haya nada ainda di Gobierno. Pesey Dialuna mainta el a bay

corte, pa pidi huez pone un multa substancial pa cada dia cu Gobierno no cumpli.

Segun Bikker, cada bez WEB y ELMAR ta pidi pueblo pa e ta conciente cu gastamento di energia, pero pueblo kier wak si e companianan aki di utilidad mes tambe ta conciente riba nan propio gastamento.

Pueblo kier sa tambe cuanto e ganashi ta, dicen tanto ganashi y kico ta wordo hasi cu e ganashi.

Si nos pueblo ta sufri debi na e prijs halto di awa y corriente, no por ta asina cu otronan si manera gerencia di e companianan di utilidad y

Gobierno ta biba lekker cu nan salario y bonusnan atronomico.

Ora cu huez duna su decision

riba e peticion di abogado Bikker, DIARIO lo trece esaki pa tur lector di nos matutino.

Awe Rudy Croes mester bisa Polis unda e 6 Miyon ta!

Awe Su Excelencia Ministro di Husticia, Rudy Croes, mester bisa Recherche of un Fiscal, unda e 6 Miyon di Florin, cu un persona a bise na Hulanda ta ariba un cuenta di banco ta.

E mester bisa Recherche of Fiscal kende ta e persona na Hulanda, cu tur tempo tabata sa cu un hende a horta 6 Miyon di Aruba atrabez di Fondo Desaroyo cu tabata tin pa San Nicolas, pero a cera su boca y awor ta puntra si tin recompensa pa e papia.

E persona mester worde deteni awor na Hulanda pa stroba autoridad actua. Cada dia cu Su Excelencia Rudy Croes no papia, e ta complice den e delito aki.

Ministerio Publico mester laga publico sa, kico e Ministro a declara y ki paso e ta tuma den e caso penal. Aruba ta warda y e conteo diario di DIARIO a cuminsa! Mescos cu a recupera e computer di Ministerio Publico den tempo record, soluciona e caso aki awor. Namdar ta keda pendiente!

TELEFONNAN


DI DIARIO

582-6747

FAX

582-8551

CASI NOS, TAMBE POR!!



BEST DEAL

Tel: 5827100

(Pariba di Aruba Bank, Paradera)

Vaas di glas



50%